



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

XX. Decreta pro pace inter Carmelitas Discalc. utriusque Congreg.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

*Const. ed. 1698. Jul. 25. Pont. 8. confirmatur
Constitutio Julii II. pro pace servanda.*

INNOCENTIUS PAPA XII.

Ad perpetuam rei memoriam.

Exordium.

EX inuncto Nobis cælitus pastoralis sollicitudinis munere ad ea peculiare vigilantie nostræ curas libenter convertimus, quæ prospere Christianidelium, qui e fluctibus sæculi in portum vitæ Religiosæ confugerunt, gubernio ac illorum statui, & quieti conducibilia fore in Domino arbitramur.

Declaratio
Capituli
Gener. excipien-
tis nonnullis
casus.

§. 1. Exponi siquidem Nobis nuper fecit dilectus filius Procurator Generalis Ordinis Carthusien., quod tamen alias Capitulum Generale Ordinis nonnulla statutorum ipsius Ordinis auctoritate Apostolica nuper confirmatorum verba, quibus exprimitur, quod Prior Carthusiæ, nunquam terminos Eremiticæ egreditur, ita declaraverit, ut sub illis urgentes necessitates non comprehendantur, nihilominus, quia aliquando, ac præsertim his calamitosis temporibus contingere potest, ut ipsius Carthusiæ, & aliæ ei vicinæ Domus dicti Ordinis, inter quas tria Monasteria Monialium numerantur, tam gravibus periculis, & damnis obnoxie reperiebantur, ut illis non aliter, quam per egressum dicti Prioris ab Eremiticæ prædictæ, ejusque personalem assistentiam occurrere possit, ipse Procurator Generalis, ut quavis de cætero hac in re controversiarum, & questionum occasio penitus præcidatur, peculiari de super paternæ charitatis, ac prudentiæ nostræ præsidium accedere plurimum desiderat. Nobis propterea dilecti etiam filii moderni Prioris Carthusiæ hujusmodi nomine humiliter supplicari fecit, ut in præmissis opportune providere, de benignitate Apostolica dignaremur.

Preces
Procuratoris
Gener. & Prioris
Carthusiæ.

§. 2. Nos igitur Priorem, & Procuratorem Generalem prædictos specialibus favoribus, & gratiis prosequi volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis Sententiis, censuris, & penis a jure, vel ab homine quavis occasione, vel causa latis, si quibus quomodolibet innodata existunt ad effectum præsentium dumtaxat consequendum harum serie absolventes, & absolutas fore censentes, hujusmodi supplicationibus inclinati, de nonnullorum Venerabilium Fratrum nostrorum S. R. E. Cardinalium super hoc negotio a Nobis specialiter deputatorum consilio, imminencia pericula bellorum, seditionum, tumultuum popularium, & morborum pestiferorum, necnon incendia, ruinas ædificiorum, aliisque graves, & insolitos casus, sive in ipsius Carthusiæ domo, sive in ejus Grangis a prædicta domo ultra duas dietas non distantibus quodcumque eventuros, quibus non aliter, quam per ipsius moderni, ac pro tempore existentis Prioris Carthusiæ hujusmodi præsentiam provideri valeat, sub prohibitione egressus ab Eremiticæ terminis eidem Priori per statuta supradicta, sicut præmittitur, facta, minime comprehendendi; præterea nec etiam sub prohibitione hujusmodi gravium, & urgentium necessitatum casus, qui aliquando in tribus Monasteriis Monialium dicti Ordinis eidem Domui, ut præfertur vicinis contingere possunt, comprehendendi, itaut illis opportune occurrere gratia dictus Prior, de consensu tamen Capituli generalis ipsius Ordinis, ad tempus ad id necessarium dumtaxat terminos supradictos egredi libere, & licite, ac absque ullo conscientie scrupulo, aut poenarum per statuta prædicta quomodolibet impostarum incursum possit, & valeat auctoritate prædicta tenore præsentium declaramus.

Declaratio
Pontificia excipiens
novos alios casus
sub certis
conditionibus.

Clausula.

§. 3. Decernentes ipsas præsentibus literas semper firmas, validas, & efficaces existere, & fore,

suosque plenarios, & integros effectus fortiri, & obtinere, ac illis, ad quos spectat, & pro tempore quodcumque spectabit in omnibus, & per omnia plenissime suffragari. Sicque in præmissis per quoscumque Judices Ordinarios, & Delegates, etiam causarum Palatii Apostolici Auditores, judicari, & diffiniri debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus præmissis, ac Constitutionibus, & Ordinationibus Apostolicis, necnon dicti Ordinis, etiam juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac ad verbum insertis habentes, illis alias in suo robore permanentibus, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud Sanctam Mariam Majorem sub Annulo Pisc. die IV. Nov. MDCXCII. Pontificatus nostri Anno Secundo.

Confirmantur quædam Decreta Diffinitivorum, & Capitulorum Generalium pro pace utriusque Congregationis Fratrum Carmelitarum Discalceatorum.

XX.

*Const. ed. 1692. Octob. 11. Pont. 2. leguntur Decreta
Prioris generalis pro studiis. Const. ed. 1693. Janu-
uar. 2. P. 2. extat Decretum Capituli Gener. pro
alternativa in Provincia Castellæ. Et Constitutio
ed. 1694. Feb. 9. P. 3. declaratur quoddam Breve
circa Superiores Monialium Excalceatorum.*

INNOCENTIUS PAPA XII.

Ad futuram rei memoriam.

EXponi Nobis nuper fecerunt dilecti filii moderni Procuratores Generales utriusque Congregationis Fratrum Ordinis B. Mariæ Virginis de Monte Carmelo Discalceatorum nuncupatorum, quod non modo ad mutuum charitatem inter Religiosos ipsarum Congregationum, verum etiam Regularem observantiam invicem fovendam, primo quidem in Hispaniâ mense Septembr. 1690. & Italiâ Congregationum prædictarum die 12. Januarii 1691. Diffinitivis Generalibus, subinde vero in primodiâ 5. & 13. diebus Maii dicti anni 1691. in secundo dictæ Congregationum hujusmodi die 7. mensis Maii proxime præteriti respectively celebratis Capitulis Generalibus pariformiter deliberatum, decretum, ac ordinatum, & hinc inde acceptatum fuit, ut quodcumque, & quomodocumque, sive cum debita licentia, sive sine ea, & ex quacumque causa, ratione, aut prætextu contingeret Religiosum, seu Religiosos unius ex dictis Congregationibus ad locum, seu loca intra terminos alterius Congregationis hujusmodi existentia pergere, divertere, transire, aut commorari, ita pergentes, divertentes, transcurrentes, aut commorantes benigne tractarentur, ac hospitio exciperentur, necnon Superiorum, seu Prælatorum illius Congregationis, intra cuius terminos reperirentur, jurisdictioni, & obedientiæ in omnibus, & per omnia subjacerent, & subessent, ac ad omnes hujus Congregationis observantias, & Constitutiones tenerentur perinde ac si ejusdem Professorum existerent, itaut illius Superiori tanquam proprio obedire, ejusque directioni, gubernio, visitationi, correctioni, & punitioni subjacere tenerentur; ipse vero

In præd. Decretis instituitur communicatio inter Congregationes Hispaniæ & Italiæ.

Dat. 22. Nov. 1692. An. 2.

Sup-

Superior etiam per formalia precepta illis jubere, & eosdem dirigere, gubernare, visitare, corrigere, & punire, etiam per censtras, & contra eos juxta casum contingentiam ad sententias, & pœnas in illius Congregationis, cujus ille Superior esset, Constitutionibus præscriptas procedere possit, adeo ut Professores dictæ Congregationis Hispaniæ intra terminos Congregationis Italiæ supradictæ reperti, perinde ac si de Congregatione Italiæ hujusmodi essent, e contra verò Professores dictæ Congregationis Italiæ intra terminos supradictæ Congregationis Hispaniæ pariter reperti, perinde ac si de dicta Congregatione Hispaniæ essent, tam in favorabilibus, quam in odiosis (non tam quoad Superioritates, & officia) respective haberentur, alerentur, & tractarentur conventionem inter ipsas Congregationes facta ita observandi, & observari faciendi, necnon jurisdictione vicissim communicata, seu translata, & communicatam, seu translata vicissim pariter acceptata, & alias prout in eorumdem Diffinitiorum, & Capitulorum Generalium Decretis desuper emanatis uberius dicitur contineri.

§. 1. Cum autem sicut eadem expositio sub-
jungebat, in iisdem Diffinitoriis, & Capitulis Generalibus pro præmissorum omnium validitate, & firmitate subsistentia ulterius statutum fuerit, ut illorum confirmatio ab hac S. Sede impetranda esset: nobis propterea Exponentes præfati humiliter supplicari fecerunt, ut in præmissis opportune providere, & ut infra indulgere de benignitate Apostolica dignaremur.

§. 2. Nos igitur specialem ipsis Exponentibus gratiam facere volentes, & eorum singulas personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatas existunt ad effectum præsentium dumtaxat consequendum harum serie absolventes, & absolutas fore censentes, hujusmodi supplicationibus inclinari, ordinationes præfatas in Diffinitoriis, & Capitulis Generalibus utriusque Congregationis hujusmodi factas, ut præfertur, emanataque desuper Decreta supradicta, auctoritate Apostolica tenore præsentium confirmamus, & approbamus, illisque in violabilis Apostolicæ firmitatis robur adjicimus, ac omnes, & singulos juris, & facti defectus, si qui desuper quomodolibet intervenerint, supplemus.

§. 3. Decernentes easdem præsentibus literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore spectabit in omnibus, & per omnia plenissime suffragari, & ab illis respective inviolabiliter observari; sicut in præmissis per quoscunque Judices Ordinarios, & Delegatos, etiam Causarum Palatii Apostolici Auditores, judicari, & diffiniri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus præmissis, ac Constitutionibus, & Ordinationibus Apostolicis, necnon quatenus opus sit Congregationum, & Ordinis prædictorum etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac ad verbum insertis habentes, illis alias in suo robore permanens ad præmissorum effectum hac vice dumtaxat, specialiter, & expresse derogamus, cæterisque contrariis quibuscumque.

§. 5. Volumus autem, ut earumdem præsentium Literarum transumptis, seu exemplis, etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides tam in judicio, quam extra illud ubique locorum adhibeatur, quæ ipsis præsentibus adhiberetur si forent exhibitæ, vel ostensæ.

Datum Romæ apud Sanctam Mariam Majorem sub Annulo Piscis die XX. Novemb. MDCXCII. Pontificatus nostri Anno Secundo.

Conceduntur Indulgentiæ perpetuæ utriusque sexus personis Ord. S. Francisci de Observantia necnon Christianissimæ Societatum in illorum Ecclesiis erectarum.

Alia Indulgentiæ extant Inn. XI. Const. ed. 1687. Jan. 22. Pont. 11. Et hujus Pontificis Const. ed. 1695. Aug. 18. Pont. 5.

INNOCENTIUS PAPA XII.

Ad perpetuam rei memoriam.

AD ea, per quæ Animarum Christianissimorum salus procuratur libenter intendimus, & eorumdem Christianissimorum devotionem, ut spiritualibus exercitiis ferventius incumbant, caelestium munerum largitione libenter fovemus, & incitamus.

§. 1. Itaque de Omnipotentis Dei Misericordia, ac Beatorum Petri, & Pauli Apostolorum ejus auctoritate confisi, supplicationibus quoque dilecti Filii Francisci Diaz a Sancto Bonaventura Ordinis Fratrum Minorum S. Francisci de Observantia nuncupatorum Diffinitoris Generalis necnon Missionum pro familia ultramontana dicti Ordinis Procuratoris nomine Nobis super hoc humiliter porrectis inclinati, omnibus, & singulis Fratribus, & Monialibus, & aliis utriusque sexus personis Ordinum, & Congregationum obedientiæ, seu directioni Ministri Generalis ejusdem Ordinis nunc, & pro tempore subjectis, ac etiam Christianissimibus Confratribus, & Confororibus quarumlibet Confraternitatum, & Societatum, sive sub Immaculatæ Conceptionis Beatæ Mariæ Virginis, sive sub alio quolibet titulo, seu Invocatione tam hæcenus in eorumdem Fratrum, & Monialium Ecclesiis canonice erectarum, quam in posterum canonice erigendarum, qui per quadrantem horæ Orationi Mentali vacaverint, pro qualibet vice centum dies, qui per duos quadrantes continuatos, vel saltem per quadrantem horæ singulis diebus, & per totum mensem dabunt operam, & vere pœnitentes, & confessi Sanctissimum Eucharistiæ Sacramentum sumperint, ac pro Christianorum Principum concordia, hæresum extirpatione, ac Sanctæ Mariæ Ecclesiæ exaltatione pias ad Deum preces effuderint, plenariam semel quolibet mense omnium peccatorum suorum Indulgentiam, & remissionem, quam per modum suffragii Animabus Christianissimorum, quæ Deo in charitate conjunctæ ab hac luce migraverint, applicare possint, Apostolica auctoritate tenore præsentium misericorditer in Domino concedimus. Insuper quod Fratres, & Moniales, ac utriusque sexus personæ hujusmodi orationi mentali, sive (ut dicitur) *Via Crucis exercitio*, ad quam, seu quod ratione eorum Regulæ, & Constitutionum quolibet die tenentur, operam dantes, prædictas omnes, & singulas Indulgentias, & peccatorum remissiones, & pœnitentiarum relaxationes proportionabiliter lucrari, & consequi possint, & valeant, auctoritate, & tenore prædictis indulgemus. Præsentibus perpetuis futuris temporibus valituris.

XXI.

Dat. 24. Dec. 1692. Au. 2.

Exordium.

Preces Diffinitoris Gen. & Procuratoris Ultramontani.

Concessio Indulgentiæ.

100. dierum.

Plenariæ per modum suffragii.

Nova concessio præd. Indulgentiarum.

Preces Procuratorum Generalium.

Confirmatio præd. Decretorum.

Clausula.